

ԱՆԱԿԵԿԱԼԸ... ԱՊԱԳԱ ՓԱՍՏԱԲԱՆԻ ԳՐԱՌՈՒՄՆԵՐԻՑ

06.05.2017 11:26



Ապրիլի 28-ն էր... Ուրբաթ էր... Մի սովորական ուրբաթ, երբ կրկին դասերս ավարտելու էի համալսարանում և ուրախ – ուրախ գնալու Գյումրի՝ շաբաթ-կիրակին անցկացնելու, ինչպես անում եմ ամեն շաբաթ... Շուտասեղանի էղավ, բայց դուք շարունակությունը լսեք...

Էս ուրբաթը բոլորովին էլ սովորական չէր: Այն մանանայոտ էր ու մանանաբույր... Չէ՞ որ մեր՝ պատանի թղթակիցներիս առաջին մրցանակաբաշխությունն էր տեղի ունենալու, ու երևան էին ժամանել մոտ 200 թղթակիցներ Հայաստանի բոլոր մարզերից. այլ կերպ ասած՝ ողջ Հայաստանը հավաքվել էր Կամերային երաժշտատանը...

Բոլորս էլ հուզված էինք, ու դա նկատելի էր... Ախր, ոնց չհուզվես, երբ տեսնում ես, թե ինչքան գործ է արվել, ու ինչքան լավ ընտանիքի մի մասն ես դարձել... Ու սա դեռ ամենը չէր...

Ներկայացվեցին անվանակարգերը, եղան առաջին պարգևատրվողները, առաջին ծափերը... Ի զարմանս ինձ՝ հայտարարվեց, որ մրցանակ է հանձնվելու Հայաստանի Հանրապետության Փաստաբանների պալատի կողմից:

«Վա՛յ, իմ ապագա կոլեգաներից էլ կան ստեղ,- մտքումս զարմացա ես,- յեսօր էլ կակոռազ Պալատի դասը կանցնենք Արդարի դասին»:

Պալատի ներկայացուցիչը բարձրացավ բեմ ու հնչեցրեց նախկին համակուրսեցու ու մեր լավ ընկերներից մեկի՝ Դավիթ Ասլանյանի՝ մեր Դավոյի անունը, ով հիմա ծառայում է Արցախում (բարի ծառայություն, Դավ՛ ջան)...

«Վա՛խ, ես էլ կուզեմ», - բարի նախանձով մտածեցի ես՝ անկեղծ ու շիտակ լեննականցիս...

Ու մեկ էլ բեմ բարձրացավ Պալատի մյուս ներկայացուցիչը (ես գիտեի՝ մենակ մեկ մրցանակ է լինելու Փաստաբանների պալատից) ու կարդաց տողերը, որ ասես զմուսվել են մտքումս.

-Պատվոգիրը տրվում է Հայաստանի պատանի թղթակիցների ցանցի առաջին մրցանակաբաշխության մասնակից ԵՊՀ իրավագիտության ֆակուլտետի առաջին կուրսի ուսանողուհի Լեյլի Թադևոսյանին ստեղծագործ մտքի համար...

Անասելի հուզվել էի... Իրոք անակնկալ էր, ու հաճելի ու պարտավորեցնող անակնկալ... Շնորհակալ եմ...

Մրցանակս ձեռքիս, հպարտ-հպարտ մտա գնացք, հագիվ մի տեղ գտա ու նստել նայում էի մրցանակիս՝ անգիր իմանալով բովանդակությունը.

-Իյա՛, էլի չեմպիոն ունինք,- հանկարծ լսվեց ուղեկցորդի ուրախ-զվարթ ձայնը,- էս ի՞նչ ոլորտի մրցանակ է:

-Դե..., - փորձում էի բացատրել ես, մեկ էլ էս «պռավադսիկը»՝ նույն ուղեկցորդը, դե.

-Լա՛վ, լա՛վ, ոլորտը վաբշե կարևոր չէ. զանգենք զան դափնիներով դիմավորեն, աղջի՛կ ջան, արբի՛ս,- ըսեց ու շարունակեց տոմսերը վերցնել...

Այ այսպես էլ պսակվեց ինձ համար անասելի կարևոր հաղթանակը... Բայց թերևս լավագույնս հաղթանակը համարում եմ այս մեծ ու գունագեղ ընտանիքի՝ «Մանանայի» մի մասնիկը լինելը...

Էս էլ ըսպես... Ըբը...

Նյութի աղբյուր՝ www.17.am

Հեղինակ՝ Լեյլի Թադևոսյան

Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })